

又苑英華卷第九百十一 碑六十八 神道二十九

職官十九 都督一



周河州都督普屯威碑一首

唐并州都督尉遲恭碑一首



周上柱國宿國公河州都督普屯威神道碑銘序

庾信

公諱威字某河南洛陽人也舊姓辛隴西人基若水之源
纂商丘之冑邑于大亳實定其居封于小辛乃成其姓是
以山川被髮辛有得見事之機八卦占爻辛廖有知人之
鑒佐治以東都上將魏帝解衣武賢以西國功臣漢王推
轂祖大汗武川太守考生河州四面總管大都督隴右貴

臣河西鼎族公侯踵武岳牧連鑣並得聲振長榆名雄高
柳公秉靈山岳誕載星辰結髮嶷然齧年成德澄波萬頃
建標千仞鋒穎既高光芒已遠青衿學劍既為人主所稱
童子論兵即在中軍之策末熙元年入仕蒙授直滷都督
太祖文皇帝雪舊君之恥連西伯之功始裂鴻溝初登函
谷公擢衣沐髮杖劍轅門撤洗足而相迎下賓階而顧問
自此即居帳內仍爲直寢授寧遠將軍羽林監白土縣開
國伯邑五百戶大統元年從迎大駕進爵爲侯增邑三百
戶加冠軍將軍散騎常侍轉大都督公善於用兵長於撫
御自功洛陽定弘農戰河橋平沙苑冒刃衝鋒前無雙陣
况以弦木六鈞函犀七屬門多懸冑箭必中鞍山積誠

谷量牛馬軍吏計功司勳賞策授使持節銀青光祿大夫
進爵爲公增邑八百戶昔者受律赤符韓信當千里治兵
白帶張飛擬萬人皆此於今日公之謂也五年授使持節
都督揚州諸軍事揚州刺史浮於一作江海達于泚泗滌
蕩旣敷瑤琨即序十三年授車騎大將軍儀同三司尋遷
驃大將軍開府仍賜姓普屯即爲官族入陪武帳出惣戎
韜置府於陽關張旃於瀚海故得上書於漢即用同宗爭
長於周還無異姓十六年授鄜州諸軍事鄜州刺史公穎
煩兩牧風政神明虎去西河臬移東郡河湄瑞氣特表廉
平鄙祀神光徧明正直及乎魏終天祿周受惟新明命已
遷爰倫或革周元年改授大將軍抱罕郡開國公增邑一

千戶軍中受詔非論北伐之功大將登壇無待東歸之策
置陣太平開陰晉之道連兵廣武納滎陽之城校戰丹山
移營白壁莫不勇冠三軍名凌五將保定四年授寧州摠
管掌其北門既為鄭國所委捍其西鄙無懼秦亭之逼片
以築平綱之城衛人拱手成榮波之澤梁氏寒心朝廷與
公有內外之親令公從戚里之貴乃以魏文帝女為公夫
人遂得長門之左別開公主之園濯龍之傍便有玉姬之
館五年被徵入京拜少本傳司馬期於司武以公為鳳絳
佐於中軍以公為苟首豈直謂之鶴火稱之縉雲而或
其年被使領兵出西涼州奉迎突厥皇后紀制疑裂繡衣
卿為君逆稱族而行尊君命也天和元年授柱國大司

寇楚之柱國方之南火軒之司寇譬以西雲總授於公能
官人也建德二年授少傳傳四年授河州總管都督七州諸
軍事即為河州太中正公之桑梓本于此地再為連率頗
仍衣錦襄城龍種更及反池臺桂陽仙人還歸鄉里故老親
賓酣歌相慶安車駟馬天下榮之宣政元年授上柱國更
加少傳配于上相既即陪玄扈之圖居于京師實有圮橋之
策改封宿國公食邑并前五千五百戶射鴻舊圃舞鶴餘
城既浮酸棗之河聊對淇園之竹來朝建章則天子降席
出遊戚里則群公下階是以行蒲天地名聞四海方當光
輔五軍君參謀七政天厲弗戒薨于所居春秋六十有九柳
莊告殯傾社稷之臣鄭僑云亡得諸侯之禮詔贈某官謚

某公禮也。以今開皇元年七月某日，反葬於河州金城郡之苑川鄉山行隴底地，入塞原望積石，以緣河臨崆峒而下坂。玄甲黃腸崎嶇亭郭，及云莫徹方勞榆沈若夫，樹反壤也。封夏屋焉。終須頴川之碑，乃見華陰之碣。世子儀同永達，孝性有聞，居喪得禮，嗟海變而田成，懼山飛而地絕。勒石墓田，仍銘云爾。

少典之孫玄王之子，貫於月金，承於水降，及於周公侯復始風俗，氣候山川表裏，河連積石，山帶崆峒，秦亭北上，漢使西通，金行氣壯，地勢人雄，稜稜高節，凜凜疎風，祖考藩屏濁河，清渭兩地，謨明雙流光，賁水無別色，雲無異氣，爲吏爲民，惟懷惟畏，公之嗣世，實東英靈，降神中嶽，迴文列

星鸞翔鳳，顧珠角山，庭臣深義，本予極天，經洛城戰陣，河橋旗鼓，箭飲石梁，劍燃銅柱，並麗六麋，俱抽雙虎，王門開郡，陽關置府，再爲上台，兩爲少傅，模範帝師，經綸國步，允襲峻德，欽明審諭，不吝車茵，誰言溫樹，天道茫昧，年齡倏忽，上將星開，功臣鼎沒，九原陵阜，三河甲卒，地險龜林，營危馬窟，西州求別，北闕長辭，山張虛蓋，野祭空帷，陵原地迥，松路風悲，銘于碣石，勒以貞龜。

唐并州都督鄂國公尉遲恭碑 許敬宗

蓋聞嶽靈昭既，協其神者，申甫繡象，騰斌含其精者，伊傅用調，芳玉鉉增，耀金符譬，八柱之承天，猶四溟之載地，是以郊郊創曆，冥契非麗，一作熊之兆沛野，開基鬱會，攀鱗之

傑莫不疑微簡策篆勳戈鼎此裂一無此字河西而濟美期礪

嶽以疇庸若乃經啓睿圖彌綸聖業扈兵師於丹水夷餌

石之沃渠振文策於烏江掃拔山之巨浸抑揚佐鎔鑄

五臣致我后於勛華軼前修於樊灌名高絕代其在忠武

公乎公諱恭字敬德河南洛人唐書作恭也原夫玉派靈

長控昌源於弱水瓊基峻遠峙層構於軒臺叶粹氣以擒

賊威橫朔野奄崆峒而擅武跡跨中原亦猶江馬南浮圖

基巨麗溟鯤北運激勢扶搖是故軒冕傳華半神州而交

蔚忠良秀美睥帝里而馳芬與夫由余去危斥剪鵠而作

霸日碑受顧光珥貂而累華葉考諸聲實固不同年而語也

曾祖本貞貞後魏中郎將冠軍將軍漁陽郡開國公贈中外

六州諸軍事一作謚曰懋道粹黃中寄侔丹化襲微章於

珪瑞飛茂績於鍾鏞大父益都比齊左兵郎中遷金紫光

祿大夫入周濟州諸軍事齊州刺史雕鏤杞梓黼藻人倫

用匪齊鈎亟深微管之寄價符趙壁愈擅入秦之美考伽

隋授儀同三司衛王記室皇朝追封常寧安公贈汾州刺

史幽州都督材綿二端揚鑣武庫位階一命頓繼文房下

調悲於季葉飾壤昭於昌運故知壯氣猶生貫千秋其尚

想名臣不作瞻九原而增悼再緜部符之贈式冠封墳之

典公鄧林抽穎崑嶠疏源非假七齡早鬱凌霜之幹爰滋

九潤先孕聯雲之寶瞻言廣術企列戟於髻初屬相傾義

俯廻戈於度內雄姿岐嶷覆篲裁規沉勇潛貞涌泉韞量

想

餽躬由禮檢性依仁匪衛後於齊批批匪翹誠於孟荀言泉
河瀉應千里而無遺狹氣騰騰輕百金而有裕加以鈐符
玄秘劔術精微偃月疏營右澤左陵之勢浮雲鴈陣鸞張
秦中而翠虬驤霧必先階於尺木紫鸞追風初發蹤於步
武爰膺執戟之選以効棄觚之節蒙授元師都督拜朝散
大夫轉議正大夫加銀青光祿大夫大業十二年也未展
雄飛載羈下列何意乎九苞呈瑞儷彩司晨一角効禎傳
蹤警夜俄而運鍾旒冕疑政弛水疑衣大浸襄陵長虹貫
日公廼行吟梁父希管晏以思齊屈跡淮陰俟蕭張而佐
命皇家補傾極振頽綱提劔風驅援旗電掃劉武周不稽

天氣寔暗人謀怒窮轍以抗威臨焦原而自逸公見縻
僞迫以驅馳取譬辛毗甫依表而免戾同夫馬援聊寄隗
以偷全尚鞠醜徒據其危堞太宗俯離鳳邸親御龍韜軍
次介休將屠僞邑早欽英畧深嘉義勇飛箭以述皇威投
金以申同德公鑒窮無象識照先機虛一作雪西楚之如狼
阻張角之吠犬邊歸真主期乎定人大擢授秦府統軍于時
帝道維新王途多故瑞雞之野武靜雲雷獻蟹之川來均
霜露葢爾凶狡又肆回邪載動神兵龔行天罰救楚妙筭
雖獨運於冲襟授律宏規固思憑於猛將乃以公爲行軍
總管遵彼前一作旌一作追奔若順海乘茲破竹潰敵如决河
積甲齊山中嶽由其咸定封屍築觀王城於是又安飲至

鎬京策勲居寂所賜金帛蓋以千箱其後六統偏師五爲
總管北殲猾夏南廓滔天戮鯨鯢於洙泗溺駮驪於漳滏
所向風靡賞鉞^越燹班時外難初康內釁方兆春坊階亂構
禍深於戾園李屏窮凶爲蠹尤於傲象公早參帷幕思固
宗桃驟起聖懷累明大義九年六月二凶伏辜雖天道禍
淫蓋賴君之筭也擢拜左衛大將軍兼太子左衛率貞觀
元年授右武大將軍屯兵數萬咸令統領職歷二官兼司
七校龍飛靜柝摠禁旅於瑤山馬耳臨戎肅嚴兵於錡禁
於是威馳銀榜寵峻金吾拜上柱國吳國公食邑三千戶
實封一千三百戶若遷疑黼曰疑疏峰奄衛巫而寧鎮雷
導風一作驅區遇瀉江漢以咸池餘磔涵輝明珠翰媚是

稱奧壤獨擅雄州竹寄性良以敷景化連帥之重僉曰爾
諧貞觀四年授襄均鄧浙唐五州都督襄州刺史班朝驚
俗載屏丹帷虛行遷遶寧因赭服布中和而驛化浹旁潤
以馳威惠澤潛通吐浪由其絕渚仁風普暢嘯谷所以浮
江弛風牘於東臯歲儲京庾契成麟於西序家知禮讓道
彼湘沅俗均鄒魯里稱冠蓋既洽毗誼地接股肱佇求人
瘼八年授冠祿大夫行同州刺史封建功臣改封鄂國公
冊拜宣州刺史昔炎周裂壤榮陽茂十邑之庸有晉疇榮
壯武峻重封之典校其優劣詎可扶輪累遷靈卹夏三州
都督懋茲宏德函牧大藩控十角於星街信單玄塞摠百
城於天塹義偃朱方端委之風褫危冠而變俗氍裘之長

棄鳴鏑以歸仁乎紫封流渥朱輪徒傳莫不情深借寇戀
切留黃可謂柔遠以德人稱遺愛者矣既而俯鑒忘筮景
文成之茂躡深惟蒲器躡太傅之高蹤漏促銅儀循良夜
之不息體安玉杖諒坦路之難追奏擬青規辭榮絳闕特
廻天睠賜一作肆其誠請於是冊拜開府儀同三司禮秩加
等已而從容廊廟怡暢丘園架獻圖蓮疏池瀉箭後堂歌
吹通逸響於南隣別業林泉接芳陰於西第加以陶風元
穆勳胄兼之里途高陽門承通德故能聯姻瑤腑結慶瓊
枝榮亞元吉寵班右威清樓聳構遙通婺女之津黃閣凝
扉近接天孫之館長筵綺合章珠與謝玉交輝廣應雲浮
籥共撥金遞泰庭烏効祉燮驪槐端隙駿流年俄落柳次

嗟乎巨川既濟奄遷舟於夜壑高臺遽傾倏摧梁於夢奠
粵以顯慶三年十一月二十六日遘疾薨於長安之私第
春秋七十有四皇上情切宗臣痛深國老舉哀別次罷朝
者累辰昔平仲云亡趨輪軫慟宣尼告逝述誄申哀未足
方此撤懸喻斯輟祭追贈司徒詞曰飾終之典實屬於勳
賢追遠之恩光歸於令望故開府儀同三司上柱國鄂國
公敬德志局標舉基宇沉奧忠義之節歷夷險而不渝仁
勇之風雖造次而必踐廼誠申於伯府茂績展於行陣西
漢元勳帶彭非重東京名將吳鄧爲輕著恭肅於輕陞馳
聲猷於藩岳方隆朝寄之榮便追止足之分聞雄林而兼
濟植高操而孤往道映千古舉光百辟與善俄褰殲良奄

洎永言遺裂震動于心宜崇禮命式旌幽壤可賜疑作司

徒使持節都督并蔚嵐代等四州諸軍事并州刺史餘官

封竝如故所司備禮冊命給班劍四十人及羽葆鼓吹贈

絹一千五百段米粟一千五百石陪葬昭陵葬事所須並

宜官給并賜東園祕器儀仗鼓吹送至墓所仍送還宅并

為立碑仍令鴻臚卿瑯琊郡開國公蕭嗣業監護光祿少

卿殷令名為副使務從優厚稱朕意焉又下謚詔曰名以

實稱事光於前典謚為表禮綽厚於尊言故博聞強立少

傳擅文成之美行剛服遠冠軍膺景祐之賜故開府儀同

三司上柱國鄂國公贈司徒并州都督敬德襟宇宏邵機

神祕遠氣茂英果情馳義烈闡雄圖而贊業標峻節以凝

功道叶宗臣望隆時宰愛升九命之寵宜享三尊之位福

謙從說悼往增酸奉上危身誠許國之貞操安人和眾亦

經邦之懿範祥式茲典錫以大名可謚忠武仍遣使持節

備禮告柩以顯慶四年歲次己未四月丁未朔十四日庚

申陪葬于昭陵禮也惟公資和清粹稟銳雷霆勇冠六軍

不失獨夫之色志澄四海期於萬里之外登范車而繹慮

撫陳室以栖情蒼壁內融召青冥其非遠白珪外審體黃

裳而愈固藝或微而咸綜枝雖末而旁該象弭初變先穿

卧石魚文且擊遂引飛泉擅扛鼎而推雄掩蒙輪而効捷

觀其事親孝事君忠居身節與士信識通其變遠鑒窮於

未形智括其神臨事期乎不測非外物之攸獎咸宜體以

未形智括其神臨事期乎不測非外物之攸獎咸宜體以

自然運屬艱虞披荆而扶帝業功宣草昧借著以沃神襟
載扈升而爰參誓牧掩孫吳而高視韓白以長驅是以
捨代偃齊似青丘之吞夢澤推推堅衄銳猶黃間之穿魯縞
祥符捧日亮堯景而增輝道契從風燮虞薰而演化故能
丹書誓策青社䟽榮位兆銜諸疑資五申而統律寄深錫
壤按十部以宣風年暨抽簪禮優執醕懸輿勝躅昭茂寵
於安車納駟高門峻朝章於行馬斯所謂道烈可紀今終
有俶者歟有子右領軍將軍寶琳鳳羽摛姿龍媒騁逸丞
相之子道懋傳經王公之孫望高倒屣掩八屯而効職副
九列以騰芳履孝揚名克隆華閎顯親穆譽爰樹豐碑紀
德廬山載表茂陵之域題貞畢陌式分京兆之阡庶令過
客披文立名可則故懷斯惠望拜知歸其銘曰

商周龍躍尹望鷹揚風雲宜真感鱗鬪曾驤於赫皇祚禔禎
會昌錫茲元弼勲烈推光茂德初誕英徽早暢狼宿摛精
龜文協貺棄繻關下受符圯上秘策金韜騰猷玉帳貞心
孤邵劬猛氣橫飛長戈參捷雄戟雙揮蛟分承影鴈落忘歸
韜奇佇睿屈跡乘機釁起射天妖疑闕日明一光格半千
秀出道契披捧功宣授律冀北先馳圖南載逸受脤揚威
專征耀武馬陵削樹為方鑄柱雲卷鳴祠風謳嘯雨靜侵
破竹銷氛玉弩戎衣式定河帶同盟望高四履龍峻千兵
裂壤扮邑分麾抑營網羅方邵躡跡良平出建隼旗入參
鳳輦名班贄玉賁光儀鉉朱戶吟笳青門樹冕金裝甫散

璇霜遽踐昔恭丹
袞載奉薰琴今陪玄
轡空悲穀林紛紛
禮褥杳杳光沉閭
桐未闕宰樹方深信
瞻言史策遠振徽
音

訂正九十三字

六月廿一日校

文苑英華卷第九百十一

文苑英華卷第九百十二

碑六十九

神道三十一

職官二十 都督二

瀘州都督王湛碑一首

潭州都督楊志本碑一首

瀘州都督王湛

集作謀下同

神道碑

楊炯

惟漢高祖應天順人祭蚩尤於沛庭斬大蛇於豐澤則豐

沛之豪傑乘於集作雲矣惟漢光武龍飛鳳翔舉新市之

八千破王尋之百萬則南陽之佐命動於一作天矣我高

祖神堯皇帝以唐侯而建國從晉陽以集作起兵協和萬

邦光宅天下則太原之衣冠有大勳矣公諱湛字懷元太

原晉陽人也十一代祖卓晉給事中母常山公主河東有

湯沐邑因家焉葬於長壽原故鄉有太原之號皇業伊始

公以中涓從事集無賜田鄠杜間今為雍州人也昔武王

定於下人太子賓於上帝基一作鄠鎬而開國籍神仙以

一作命氏鞞則司徒所讓位天子所不臣則孝弟於閨

門務學於師友豈直橫江斬將南登建業集作之臺士食

金溝北徙邛山之宅自茲厥後數百年間國移三統周人

共推其代祿家徙五陵漢朝不易其冠冕增祖宗邁後魏中

書侍郎彭城王府司馬周春官大夫都督晉陽侯祖亮本

州主簿司木上士隋贈信州刺史大名華於東魏天命集

於西周宗伯所以辨其儀林衡所以平其宇父綽秦孝王

府掾仁壽宮監離石郡通守晉陽侯皇朝石州刺史逆賊

劉武周攻陷郡城因而害遇贈代州總管謚曰烈侯禮也

天造草昧王業艱難周師纔至於太原胡兵遂入於離石

負戶而汲不能定西戎之禍折骸而嬰不能解南楚之圍

仁者殺身以成名事集作有死而無貳公承聖賢之末代

一作出屬喪亂之弘多天子乘輿方清秣陵之氣諸侯斧鉞

莫救驪山之烽國有命而何言邦無道而斯隱大業之季

本州察孝廉非其好也高祖乃操斗極拜圖書丹駕臨於

孟津五星合於東井公解衣而濟策杖而行酈食其之長

者逢漢祖而長揖袁曜卿之茂才見曹公而不拜從平霍

邑授紫金光祿大夫入長安加左光祿大夫歷丞相相國

二府典籤參軍事高祖受禪擢為通事舍人通直散騎侍

文苑英華卷之六十一 王成

郎封金水縣侯食邑七百戶稍遷虞部郎中丁烈侯艱去

職尋起為隴西別駕七字集作尋起為西韓泗州治中轉隆隴二州別駕商鄜二州

刺史上柱國荊州大都督府司馬冀州刺史定其封邑誓

以河山一作山河蕭相立功於萬代留侯決策於千里願持一

郡洛陽之任耿純善攝八州江東之拜陶侃龍朔三年遷

使持節都督瀘榮漆珍四州諸軍事瀘州刺史江陽縣地

一作郡縣瀘水提封叅伐下而為益州岐山上而為井絡尺兵

再戢黃昌兩日之歌槃木斯來景伯三年之化功成露冕

歲及懸車歎踈廣之知足慕初奚之請老乾封二年上書

乞骸骨詔公祿賜同京官仍朝朔望天子歷吉日勸露辰

郊上玄祀清廟詔公行太尉事國之大事攝任有司蒼璧

黃琮六玉以昭天地路鼓陰竹九變而祠祖考名遂身退

居常待終山川則群望並走星象則中台夜拆春秋九十

有三以咸亨三年集作未淳二年七月十七日薨於京師未崇里

謚曰敏集有侯字喪事官給賜物三百段粟三百石葬日車服

往還有司監護公幼鍾備罰毀瘠過人八歲讀書至無母

何恃廢書慟哭歐血數升逮事繼親孝聞州黨恩深母子

比王元之事親夢感天婁集作夫妻等行集作衡卿之至孝年纔

一紀有若成人吏部薛公見而稱歎潁川之司馬德操早

知劉廙譙國之夏侯泰初深歎集作明樂毅兵次霍邑力戰

有功高祖嘉之賜良馬一疋進圍京城為伏弩所中高祖

臨視賜物三百段流血及屨未絕鼓音左輪朱殷豈敢言

臨視賜物三百段流血及屨未絕鼓音左輪朱殷豈敢言

臨視賜物三百段流血及屨未絕鼓音左輪朱殷豈敢言

病武德之始奉使嶺南馮盎等稽首稱臣獻琛奉集作贊

舍人薛卓遇害北庭詔公責問單于謝罪賜黃金五十斤

雜絲二百段南踰漲海北度陰山太中大夫去尉佗之黃

屋高車使者作凶匈奴之鐵券離石之難也枕干而寢見星

而行號泣不絕聲者千里水漿不入口者數日同武陵之

任襲入構諸羌異河內之張武空持遺劍吳遠由其得銘

王哀以之攀栢冀州境內舊多淫祀寒帷按部申明法禁

詔書遷秩百姓舉車立廟生祠樹碑頌德亦猶樂巴典郡

山鬼潛移張禹牧州江濤不起公出身六十載遺愛二十

集作州遂罷方岳之宦仍居上台之位始於撥亂伊尹之

輔成湯終於太平軒轅之得風后然後拂衣高蹈躬覽載

籍者遺誠十八章盛行於代法文王周易之變象尼父孝

經之篇窮性命之理盡天人之際莊周著論生也若浮史

佚立言沒而不朽越文明元年二月十七日陪塋於獻陵

禮也長子朝散大夫行扶風令選觀等生芻一束泣血三

年不踰聖人之禮能行大夫之孝京兆載闢其新阡昆吾

用昭其舊德百年宮室宛在章臺之東五校軍營依然茂

陵之下其銘曰

昔在湯武阿衡尚父下及高光蕭何鄧禹皇天眷命赫矣

高祖惟岳降神克生元輔攻城野戰張飛關羽奇策密謀

荀彧集作賈詡始陪營衛仍參幕府旌節龍沙軒旗象浦

出臨方岳入調風雨其生也榮池臺鍾鼓其死也哀陳兵

文苑英華 卷一百一十五

復土孝乎惟孝無父何怙刊石勒銘末傳終古

潭州都督楊志本碑

嚴識玄

惟天子主萬邦家六合內有八_百揆四岳外有州牧侯長所以奉若天道綏厥兆人潤飾宏業光發徽頌昔漢宣帝憫歎息之聲晉武皇緝垂拱之化以為統世御俗政平訟理與我共此者其惟良二千石乎於戲楊公德邁其職振文翁黃霸之風粹迪郭賀賈琮之道精底慎財賦而行其禮典肅恭明神而敬事耆耄旌別淑慝甲_疑克畏慕可謂其庶乎博施於人而能濟眾者公諱志本字文範弘農華陰人也其先出自周姬有伯僑者享封于晉食邑於楊命氏立宗權輿自此矣夫泓源濬泉則派流括地盤基窮麓則

翠岑入天是以德富者其胃露_疑繁英多者其族雲蔓故朱

輪渥彩通侯震於十人白環深慶太尉傳於四葉天才雄

逸自得曹植相推地望增華恥與王向為比曾祖晉陳內

使舍人臨海王府長史開蓬蔣遂交愛等九州刺史武康

節公隋贈上開府儀同三司青冀等五州刺史有集行於

代有詩入文會集精詞偉賦詭艷瑰音偶鄒陽之曳門代

徐邈之居省割珪符於比景異俗知歸聞鼓吹於中霄累

朝加贈大父林甫陳貞威將軍廣州都督隋上開府儀同

三司渠芳等五州刺史上郡北平等五郡太守皇朝營州

總管絳州刺史上柱國宜春郡公邑五千戶自吳飛楚聲

軼湛盧從趙入秦價先和氏江南舊國委崇章於大樹關

右新君延茂秩於開府既而隋綱就弛唐誠行徵公坐聽
地分暗一作皓期龍躍同荀彧之去紹來儀深根等馬援之

辭囂歸陳聚米高祖神堯皇帝深多决勝寔念疇庸冊命
且隆法一作降三光而折壤循良是屬寄千里之專城烈考

琮皇朝秦王府庫直太宗文宗文武聖皇帝贈感舊賦一
道詩三篇歷茂梓二州長史沔綏二州刺史上柱國叶贊

經綸預參康濟耿純自結早申獻帛之誠吳質舊遊時蒙
枉騎之眷幡旗長戟門卷紛紛芝蘭玉樹階庭薜蘿公吸

太和之英液稟高明之淑氣松骨始萌早抱凌霜之操瑤
精在璞更爍成虹之彩岐嶷自深惟友一作熒友惟孝蒸蒸

純至日茂豈待乎浸潤之功而後滋也年甫六稔即丁內
艱號不輟聲泣下成血絕漿絕粒毀劇成人大連少連曷

云克邁自是名韻激射藝實汪洋希風者刮聽而彌仰挹
道者洗矚而欣契杜安登學貴戚咸遺其書王粲在門中

郎遽倒其履格不期峻而且一作在高標削成量不期深自
有天琛水恠施之於夏屋則可以灑榻編櫨排之於大川

則可以衝濤截波矣年三十以右親衛調補石州司法參
軍鵬圖未騁鴻漸初升惟敬五行以成三德習于公之待

封憲陳氏之特寬樓煩之南咸知審克離石之境自以無
冤轉桂州都督府法曹參軍清棘行察梧囚明慎用法而

不留獄都督周道務以公水襟同縈石性渾堅庶惡木而
深恥飲食泉而不易奏克嶺南市關口珠玉使僣僣五嶠

皇皇百越路窮南服境淑西屠握水衝之錢權御府之產
歷剖蚌泣鮫之巨漲窺結綠珊瑚之怪穴自異時魁傑之
士以事而臨其地罕有聲背於贖節全其貞將軍北旋猶
見猜於蕙苾以大夫南使亦受遺於金裝而公散國財市蠻
寶混之不濁涅而不緇易生人之所難凜然有伯夷之風
矣以外憂去職百里而趨三年無改長輿哀一作良苦國主
念以增憂次翁服竟郡守逼而方釋服闋授始州司法叅
軍公九章惟精故三政居理小大必察洽于人心紫蒙軍
大使駙馬周道務奏克當田判官考蓄奮相墳衍申李悝
盡力之教行商鞅急耕之賞候采落花動深曳棘故軍賴
滋殖人無阻饑轉揚州高郵縣令加朝散大夫遷雍州吳

原令道德齊禮風移俗易野翟依馴災蝗折去鑠庫兵以
爲器彈鳴琴以坐堂淮海之邦衆斯悅矣奏雍州司士邑
人斯附矣遷邛州司馬兼庫平軍靈關道支度運糧使一作
侯七羗九兵一作特問暴梗徵師鍊卒式張威防密徃通
蜀窮關抵駝歷嚴道之邛峽緣漢嘉之折坂滑壤沮塗一作
坦且疑泉覆淫澍不開莫殊天漏公審搖中筭廣蓄邊儲
率擔夫竦餽卒膺隳墮一有腹陁危魚頡烏頑輻輳不絕
軍戎以濟豈慙流馬之功才幹方申猶兼展驥之任轉始
州長史限以劔閣阻以石門張載勤勸銘之所范睢通棧之
地邑戶遷逃鄜里踈寂版籍徒紀征賦缺如公綏之斯懷
集之斯至墳無輟享之鬼家有戀本之夫邦國不空旣賴

王祥之績吾無憂矣寔唯蔣濟之能制公檢校棗州刺史
俄而東胡叛換北狄猖狂鷲鈔虎飛海感雲拂殘破城邑
殺畧吏人激傷血於燕冀鋪割諸於恒碣兩河之土崩矣
百姓之心搖矣則天皇后有命分麾宣懷撲燎班告群后
時惟念哉公拜書兩泣杖節雷檄申畫郊圻慎固封守威
以震敵惠以保毗故得境內無拆聲野外無塵影循祭彤
之有勇虜不敢窺若李廣之能飛冠恒警邊賊平授使持
節鄴州刺史斬州蕪迴楚風輕亟機連黃石之山江帶青
林之浦公敷國典灑朝思思斟化源撰猷懿鎮動以德闔郡
知方息競以義衆事倣教貪殘盡去自使乳虎浮江災疫
不生即有牽牛入界尋除都督潭衡等七州諸軍事潭州

刺史建麾涉境先求異行停輿決訟應變如神興廢唯隨
其一書得失每詢於三老且青陽舊城白鷺通浦控引江
嶺括集山谿交賀所競冠蓋斯雜示之以無欲盜子悅化
以歸農激之以至淳浮客感携而請賦故年景未及於周
次風化穆著於衡湘矣公以老浸生危官疲神耗深惟退
身之誠頻奏乞骸之表制曰潭州都督揚志本歷官歲久
懸車禮及宜遂請老之誠以就歸閑之美可聽致仕於是
高謝方鎮卷懷條察傲圖輕舸特一作去江潭言念安車
展游由里而災禽集舍息馬歸山長沙捐壽昊天不弔維
長安四年秋八月十七日薨于州館享年七十有七號黎
沸境慟庶萑庭莫不若喪慈親願行衰經雖倉慈旣歿激

深慕於圖形郭伋云亡注墮思於配杜亦茂茲尚矣惟公
姿範端疑精符朗秀器含經濟而縮以斯文才抱圓通而
幹以洵直弘虛受以廣納資用晦以冲謙遊其域則童幼
警其卑野賤忘其窶泳其波則驕代以酌損剛戾以克柔
瑰節霜明偉尚烟竦橫德輝以燦邦族鏘嘉聞而滿區縣
學成淵海隔風雨而恒觀辨若奔濤鑄鍵機而不發常慕
汲黯寧爲管仲維迹在公匪懷私已率誠任道深祈利物
位愈高而魂益厲績旣凝而心更勤食不貳味居不重席
俸祿必散於孤親車馬共敝於同友寔漢元以來未有不
若斯人也夫人昌寧郡君河東長孫氏周尚書左僕射鄒
國公侯之孫也體備柔閑道鍾清懿言而可式動必由禮

纖累不挂於心浮僞豈廻其首肅侍巾櫛勉執纒緹邈邈
承姑獲蒞蘭而必獻拳拳訓子見俎豆而斯寧義渥旁周
仁光下逮允釐中事載穆其序端儀麗軌抑不可選歟悲
夫朝露未晞雲無處所同辟同徒之室初得賜封在季武
子之階終聞許合以大定元年卒於蘄州官舍春秋六十
九粵神龍元年八月二十五日合祔於咸陽舊塋禮也田
疏畢陌樹鬱平陵立石前傾依然哭鳥之象野墳旁野別
爲埋鹿之標有子前永州司功景前左勳衛鉉一作鎮等鳳
毛齊整一作麟麟角早成孝思旣深觀行無缺勤蕙叔度遙
迎蜀漢之喪潔比濬冲不受源州之贈封樹畢矣晨昏已
矣永言報之誠罔極矣將憲乎銘鼎景鍾之迹茲所以昭

德紀功之義廼屢集洪懿俾勒于翠石敢旌不朽焉其詞曰

龜文爍電龍交先風三軍可指千里易窮疇克光配洪惟
我公侯宗磊落襄系豐融世有象賢門傳清白牧守連起
采章重赫義叶奉圖寵深同席德邁不遺慶流斯積昭哉
嗣服穆穆厥聲恪慎克孝資忠以真回涯江淮朗節霜橫
儒林直秀吏道旁精爰視決曹志清叢棘人有哀淚形無
愠色肅傳皇皇飲冰翼翼屢酌貪水寧懼諧薏典農燕塞
轉食邛郵稔應銅雀邛來木牛自此康海旋移蔣州人安
儒化虜懾雄謀昔離斬服去思猶詠今鎮湘潭來歌轉盛
府吏歸殖江神斷娉辭懇今行恩愈謝病如何迅息不享
期願鷹隨牽旒虎送還輻短矣清室孤魂久婺既詢鄒
雙棺合茲濛昧真宅穹崇丘冢客土新封行椒舊拱惟哲
嗣兮精孝泣昊天兮思量仰構代兮昆吾琢貞石兮岑竦

校正六十八字

六月二十二日

文苑英華卷第九百七十三

碑七十

神道三十二

職官二十一 都督三

夏州都督太原王方翼碑一首

贈太尉益州大都王仁皎碑一首

廣州都督甄萱碑一首

贈廣州大都督馮象衡碑一首

贈安州都督王仁忠碑一首

夏州都督太原王公神道碑

張說

良玉禮神用之西序之器拾之南山之璞罔然不有其珍也君子安命進之扞城之雄退之去國之老墮然不失其正也語夫杖運以行道屬辭以比德亦何代無其人哉公

諱方翼字仲翔太原祁人王周之後也王子以敗狄受姓
徵召以遁世為名司徒之濟艱難義形漢室太尉之圖舉
甲心盡魏朝聞蔣濟所言則知尚書志力兄弟繼美覽周
書所載則見潁州忠烈子姓集作姪皆封臣節奮揚於百代
家聲藉甚於四海大王父司徒定公秉隋氏之崇也王父
駙馬開府文公裕先朝之懿也考特進慎公仁表皇室之
甥也公門惣四岳之靈帝子分五潢之氣是生時傑鬱為
人紀公雄姿沉毅凜難犯之色虛懷信厚坦招納之量識
畧精斷達應變之權神守密靜堅不奪之節孝友內兆於
免懷忠敬外灼於既冠加以思參造化誠合鬼神文其詩
書武其韜畧推此才也以從政焉永無遺矣集作無風遭家

難衰過柴瘁京師號曰孝童王母同安長公主引貴遊之

誠示作集作其苦之端俞字集夫人徙居郿墅儲無斗粟

庇無尺椽公躬率傭保肆勤給養墾山出田燎松鬻墨一

年而良疇千畝二年而厦屋百間日舉壽觴狀珍膳矣處

約能久不亦仁乎在困能亨不亦智乎末微初始宰安定

誅豪暴以育人察奸宄以申冤異政三舉清風一變除潮

海都督集作護府司馬以母疾辭職為姜恪乘便逐徙朔州

尚德府果毅歲餘王本立上書理公國之悖孝不宜擯抑

有詔徵還而親不待心與哀絕氣屬禮存詔御醫孟默朝

夕診視免喪逾年僅堪履立樂成公東討新羅薦為將師

詔公持節雞林道總管軍停不行授沙州刺史未至改拜

肅州以為慢防啓寇非重閉也乃大築雉堞嚴備櫓械人
知有恃戎亦來威儀鳳歲河西盡蝗獨不入州境隣郡奏
稔提挈如雲公傾私泉以資乏引激水以立礎舉火百本

日哺集作舖千人遂有芝草叢生豐年屢降人之詠德刊石

存焉裴吏部各立波斯實取遮匐公威厲飛書薦請詔

公為波斯軍副使兼安西都護上柱國以安西都護懷寶

為庭州刺史大城碎葉街郭廻互夷夏縱觀莫究端倪三

十六蕃承風謁賀泊于二字集作泊汗海東肅如也無何詔公

為庭州刺史以波斯使領金山都護前使杜懷寶更統安

西鎮守碎葉朝廷始以鎮不寧蕃故授公代寶又以集作

求不失鎮復命寶代公夫然有以見諸蕃之心推矣於

車薄啖首唱寇兵群蕃響應蝟毛而豎公在磧西獻捷無

虛歲燧車薄於弓月陷咽麴唐書同一於熱海剿叛徒三

千於麾下走烏鶻十萬於城集作域外皆以少覆衆以誠動

天葛水暴長祭撤而三軍涉渡葉河無舟兵叩而七月水

合由是士卒益勇戎狄益懼璽書下問皇靈遠燦遷夏州

都督徵詣奉天宮執海之役流矢貫臂陳血染袖事等殷

輪帝顧而知之視瘡歔歔曰為國致身乃吾親也妖賊白

鐵余據城平以反奉詔與程務挺討擒之善公有發石懷

城之計反風焚柵之感封太原郡公元珍寇邊受命討擊

公以無甲乃發思造六片木排柙關劔解合畫為虎文北

至關先集作開光與虜合戰若驅猛獸蒙臯比莫之敵也胡馬

之危先集作開光與虜合戰若驅猛獸蒙臯比莫之敵也胡馬

奔駭獲其二啜桑乾舍利兩部來降初公善書與魏叔琬
相輩工射與趙持滿齊名帝每矚之賜比鳴輦賞深懸帳
嘗獨行夜入有恠人長丈直求趣逼射而仆焉乃朽木也
太宗壯之授石千牛及持滿伏法暴骸公哀而收葬為金
吾奏劾高宗義之釋而不罪履道坦坦多如此類適將任
帝夔龍為國方虎天下膏潤群生雲雨惜哉不辰惜焉遣
侮嗣聖之際天后臨朝有凶人誣奏公廢后從兄常懷快
快司刑御史侮文矯制不名等法遷於崖州路至衡山寢
疾捐館春秋六十三垂拱三年閏正月二十九日葬於咸
陽原君子曰斯才也斯望也難乎免於斯之代矣周公聖
而謗屈平賢而放賈誼才而謫李廣勞而喪彼天命之糾

紛此人情之惆悵神龍中興以陷酷吏例復官爵孝為人
極忠為令德神之聽之始在終直信矣有子故光祿少卿
璵今秘書監珣皆篤行純孝慎終思遠說少也蒙會友升
堂今老矣豈能旌墓遷司漢籍感激論都尉之書邕叙彪
情追美樹楊公之碣銘曰

上德惟公氣秀才傑孝弘世美忠廣前烈日月必集作心照

江河思決難地必通暗機先徹卓犖文藝崢嶸武節勤集作

是歎由宰邑借恂臨郡海女避途山蛇可問師律三摠軍聲

六振銳氣入營長雲出陣嚴肅將威烜集作恒赫天外玉弩

方擎集作擎雲旗卷旆天道茫茫自古多傷功存西域身棄

南荒易箆中路懸棺反藏寶刀生衣玉映無光後有才子

先賢不亡

贈太尉益州大都督王公神道碑

前人

維天命帝子萬邦維坤配乾母萬物以親九族后父之屬
尊以叙百官開封之班最執謙德而光重地者則祁國公
其人也公諱仁皎字鳴鶴太原祁人王子賓天啓靈仙之
族司徒衛漢大忠義之門盛德之後仁賢繼出曾祖景孝
隋屯田侍郎祖詮歙縣男贈汾州刺史考文洎贈右僕射
續戎烈考集作前列啓迪後人公之生也膺汾霍之禎體敦龐
之度禮樂狃於世集作代襲忠孝萌於自然克寬克恭不激
不傲鑒窮未兆而養之以蒙智周無際而處之以默故實
集作質勝於文行過於譽其隱德也三年不鳴其會時也一

日千里初以翊衛調同州叅軍換晉州司馬應將帥舉授

其泉府果毅遷左衛中郎將上昇春宮后正妃壺擢將作

大匠事時

集作符非

工練八材孔修轉太僕正卿騶訓車攻六

飛如舞先天內禪引伸外戚懷柔畏滿厭勵思閑公既深

辭以職事上亦優之以散秩廼加特進禮異群公廼拜開

府儀同三司策上柱國封祁國公邑戶三千實賦三百公

於是寓情宴喜簡跡朝行入告嘉猷密而人莫窺也陰薦

多士晦而人莫知也不自異於當路每同塵於流衆常語

所親曰明明天子擇賢共理瑣瑣姻婭則無膺仕不識不

知樂我而已善矣夫人臣位極遇莫大焉王曰外舅厚莫

重焉而能明道若昧進道若退事不事而懸解爲不爲而

理會一以無日牛之全一以無亢龍之悔所謂言合古行
中權歟後之人慎終始而保福祿者固將公通波而蹈高
軌享年六十有九開元七年四月戊申薨於京師皇上悼
焉設次大臨輟朝累日榮之以華袞寵之以飾終追贈太
尉益州大都督賜東園祕器哈隧贈賜率加常禮乃命尚
書彭城侯劉知柔攝大鴻臚俾之監護京兆少尹崔琬介
焉中命詹事南安侯龐承宗持節吊祭左庶子白知慎梓
焉公卿命士更弔迭喻溢巷填街爲之編素粵以十月初
吉葬我昭宣公郡官執紼祖奠國門如前會夫天作聖合
必起大邦故軒妃美於西陵周婦表於東海公繁衍之慶
祚胤二十或哲或謀或肅或艾永錫之類也如是元女祥
發望雲業參鍊石內被螽斯之德外偃關雎之化門風之
至也如彼長子惟力戴君畢心禦侮奉雲雷之會懸日月
之功庭訓之致也如此高陽有才子八族我盈其二武王
有理臣十人家出其兩稽諸舊史罕或前聞若乃積三盛
事而重之以絕德篆于金石垂于億祀集作萬宜哉其文字
光華撰錄旨要則皇帝所爲也臣奉詔作之銘曰於穆祁
公誕靈信厚有倬其慶天子外舅高以卑牧盈將冲守忠
焉孝乎沒而不朽人之忠孝其德不回天界純嘏大福來
時貴踰九列榮並三台祚之玄社帝曰欽哉祁公之德柔
嘉維則令儀令色小心翼如如何昊天喪此邦式休聞其
永豐石是刻我思肥泉孝心罔極

廣州都督甄公碑

前人

君諱亶字道一中山無極人也昔胡公紹舜奄有大邦楚

子縣陳逃威樂土當烈王之世集作工也有陳通奔周王以

為忠將美其族言舜居陶甄之職命為甄氏錫姓因生如

聖之讀形聲轉注以真為音處則稱劉一作非明歸晉者以

異變而為郭蓋承貌者有馮通之裔邗仕漢為太保大司

馬承陽侯邗十六代而生鸞仕齊為常集作太山太守司隸

校尉無極縣伯撰笑道論行於代鸞生隋汾州刺史族族

生隋沁州刺史紹紹生隋新市令協協生單于大都護府

錄事參軍贈宋州刺史封惟祖惟魯在商在夏世濟其美

永觀厥成君即宋州府君之第四子也博綜經史脫畧流

俗情之所遺對咫尺於千里氣之所重輕百金於一諾曰

與曰比階應劉之閩奧或草或真藏鍾張之筋骨魯蒲鄉

曲聲聞厥庭天后臨朝再加辟命皆辭以親老不赴逮疾

革易篋骨立廬墓復有制徵焉刺史獨孤莊率府寮敦諭

起於墳左乃授左金吾中侯集作侯生盡其養豈違親許人沒盡

其哀方委身徇國或用或捨有以見大君之仁時止時行

有以觀大孝之節君臣之際其遠矣哉尋除左千牛長史

檢校武侯集作始軍長史攝右臺侍御史兼靈武道行軍長

史攝右屯衛郎將副臨洮軍使轉右驍衛左集作右郎將為

臨洮大使拜蘭州刺史兼榆林臨洮等軍大使除夏州都

督兼鹽州防禦使徵授幽州都督衣之以紫攝御史中丞

為河北軍州節度大使君政成周月惠則在人患是綏風
表以去職未幾復除夏州都督屬山戎矯虔倣擾王畧兵

落天上思回行以出奇虜墜集作墜計中守便宜而未進時

以為逗留貶撫州刺史朝廷明此舉也未到官遷廣州都

督兼嶺南按察五府經畧討擊故春秋五十有七開元五

年七月二十六日集作八終於官舍以某年月日歸葬於恒

陽之王公南山原不忘本也君三承辟命再攝憲曹八典

戎族五司藩翰事之去就所歸必執其中職之高卑為政

各當其適集作選觀夫果於事喻於義下學而上達強兵以

知類畏克厥愛道無常師有商也之文有求也之藝習禮

必本飾之以菁華積行必崇茂之以枝葉以此探賾則擢

刃皆虛矣以此効官則操刀必割矣是故群士之所執掌

而君之所綽約常情之所戚戚而君之所蕩蕩由是言之

捨榆之與海運鳴琴之與星入從可知也惜其志懷慷慨

雅多大畧授桴作氣有七縱之能孤劍無前當萬人之敵

竟不得橫絕漠騁雄筭刮狼星集作望之稜鏡乎太清卷澣

海之波靜而可掃駸駸之足受羈騏驥之途堂堂之貌必

盡麒麟之閣彼哉有遺恨矣其孤某等望之不至求兮不

得求懷揚名廣慰罔極銘曰

有鰥在下陶復河濱元女作合相攸于陳楚為不道祚以

求淪周寵忠節氏以初因不惟承陽致君論道施及無極

建家戴考集作建家載考彼汾彼沁伊時之寶宰兮牧兮亦孔之

文苑英華 卷一百一十五

牛

好積慶潛演俊又挺生標格磊落氣志清明八司戎事厥
謀有成五刺方伯厥政有聲山有杞梓工思其度國有孫
吳君思其畧棄德珠浦遺氛沙漠惜哉不當今也可作恒
岳臨北澤澤注東仁不忘本孝亦令終壽堂盤薄牧子克
窮勒美松隧穆如清風

贈廣州大都督馮府君神道碑 前人

夫積德垂裕之謂仁遠追揚名之謂孝仁則慶鍾厥後孝
則榮及其親嘗三復於斯言今於馮府君見之矣府君諱
衡集作君衡一作象衡其先長樂人也釋趙歸秦本家上黨分燕徙
越又據高良自遠祖榮懷化侯業集疊以至於大父贈荆
州都督益先考高州使君智幾咸以勲績建樞本郡甲兵

雄於一方政化香於千里君蘊含弘光大之德守冲默安

貞之志秉難進易退之操一作諳一作希聲若納之道為而不

有故物譽難得以稱靜以居常故世榮無因而及以聖曆

之歲終于本州集作城子幼家艱喪禮蓋闕夫人麥氏備女

集作母師之六行履先姑之四德處順思柔以成婦道及衛

亡共伯而魯重敬姜誓以泛舟之詩遵其闔門之禮季子

今冠軍大將軍右監門衛大將軍上柱國渤海郡開國公

力士始自鬻鬣來儀上京既違徒宅之歡爰從倍年之訓感

三州之深義易百代之因生捨馮亭之本枝從高後之令

族千秋仕漢遂去田宗隨會在秦別為劉氏遇風雲之感

會承日月之光耀一作輝光茅土答其勲庸貂璫寵其忠信太

夫人踰越嶺嶠就養高堂孝子展白華之勤慈母欣綵衣
 之貴精誠所感振古難傳噫歎資孝為忠隱心後動引桑
 霍之深誠誠慕金張之周密敬以衛主愛以安親而善不彰
 惠不遠集作百者未之有也由斯言之則哀樂存乎心不
 以至音改禍福惟所召不以偏覆及詩云魯侯燕喜令妻
 壽母明神勞善人而壽其母也夫人以開元十七年享年
 八十有七五月十二日壽終于京城集作兆之來庭里舍天
 子悼先賢賢一作母之晦德嘉侍臣之克孝思賙遂之朱崇創
 窀穸之將及於是詔贈先府君潘州刺史備禮飾終招魂
 合塋是歲也大享宗廟遍謁園陵錫類之恩施于鄉士重
 贈府君使持節都督廣韶循康等一十六州諸軍事廣

大都督夫人受邑舊邦啓號南海從諫加贈改封越國夫
 人哀榮被乎集作于始終寵光洽乎集作于中外為子之道何
 以加焉於是與兄右集作左衛中侯元璉左領軍衛郎將元
 珪等惟舊業之難名感新恩之荐及思建碑表以求芬芳
 夫毓至德以庇後嗣仁之厚者也揚令名以崇祖考孝之
 大者也仁為五常之先孝實百行之首貫經教而莫比標
 人倫而獨出宜其鏤美金石式旌墳隧無忘清徽昭示來
 葉何必會稽江上獨有紀孝之碑安陵廟前空傳尚德之
 頌其詞曰

明珠紫貝產於南國代所珍兮允矣君子不耀其德克全
 真兮慶流我後高驤上集作迴蒼中貴臣兮朱幡象服寵及

泉路榮其親兮孝道不墮勒銘表墓留芳塵兮

贈安州都督王仁忠神道碑 李邕

觀厥君子大司莫盛於禮樂時事大竇莫及於寵榮非夫

周於財厚於行外無鬼怨內無人非將何以享而福之兼

而有之寅亮邦家武衛帝室者也府君諱仁孝題曰作字仁字忠

揖太原祁人也其先系於有周氏於子晉文武不墜子孫

其昌掌兵霸秦為相寧漢累葉交映兩朝相輝梁之狐鳴

司徒匡復於將亂周之龍躍開府扶翼於已興曾祖景孝

府君隋屯田侍郎祖詮府君皇朝明威將軍歙縣開國男

汾州刺史考文濟府君侍郎御史吏部員外朝散大夫東

臺舍人並典學懿文夷道全德高舉時秀丕承國工府君

至和有純上德膺茂軌度恬簡品鑒朗拔篤誠博達英邁

奇偉詩書異等容貌出徒飄然清風藹然穎氣安步名教

詠詩典墳虛心以遊不思而得至於緝熙遠畧繩準嘉言

寶匣干將玉臺明鏡未云此也解褐濮州司法參軍要囚

有倫亂獄不作泣下丹筆情深赭衣俄轉湖州司兵參軍

郵亭利權豪富儻市脂膏不踐玉帛何階頊開元皇帝之

潛春闈也以府君后之季父時之正人吳札識音周瑜能

聽遷太常主簿尋以地近姻戚望出衣冠仍加朝散大夫

試本寺丞屬國家有事上玄張皇大禮洽革舊典節制新

儀超上柱國而即真焉及皇上御極元妃昇后遷太子僕

六馬肅若其僚仰止未校皇皇鳴珮載遷鴻臚少卿四極

梯航萬酋匍匐且和戎狄未繫單于轉太常少卿九樂備
 陳三禮大舉觀諸侯之會知天子之尊除左千牛衛將軍
 晝巡蓋常夜拜是功上謂府君曰昔太上皇嘗居此職時
 相委任是屬親賢府君競懼滿盈誠懇辭避鴻私屢抑嘉
 願莫從霧露不宣腴理成疹詔使旁午御醫崩奔嗚呼杲
 日或虧良歲多謝命莫能續天將謂何春秋六十有一以
 開元十年三月癸酉朔捐館宇於京兆興寧里之私第皇
 帝震悼椒宮感惻制贈安州都督賜物二百段米粟二百
 石喪葬官供加玄纁束帛勅萬年縣令常令監護即以某
 年八月壬寅朔安厝左翊太原舊塋禮也長子右衛長史
 疑次子尚衣奉御嵩司農主簿崑京兆府參軍崇岩劣寧
 釜等並昭獎光訓憲矩令猷文翰發於國華禮則隱於人
 紀追惟廣孝未言孔亟推心陵谷泣血松楸是用合謀有
 成作為不朽直書盛德曲訪小才錫類每深注情彌極文
 章莫及覽對何言其詞曰

千年流慶百代象賢山丘藏澤海水成田文武震耀冠蓋
 蟬聯業揚史竹名雄鼎鉉其一施及時英駿發后族體大志
 弘氣和德淑秀舉清流高標雅俗地位雙昇才名兩復其二
 太常禮樂儲宮調護屬國風偃司戎山固先帝昔官聖恩
 今喻匪親曷保惟貞是附其三三旌未涉六疾爰臻擁福何
 崇特禍無神喪塋公備哀榮禮陳寵加黃壤贈及朱輪其四
 松栢舊塋玄纁今飾詔使頻繁傲宮慘惻河山動容風雲

變色茲焉永懷古之遺直其五光有胤子克荷良弓臣孝家
節文章代工推心匍匐泣血無窮充託碑板以題述庶哀敬
而未終其六

校正一百二字

六月二十二日

文苑英華卷第九百三十一

文苑英華卷第九百十四

碑七十一

神道三十二

職官二十二 節度一

太原節度常湊碑一首

河中節度李國真貞碑一首

魏博節度田布碑一首

唐太原節度使常湊神道碑

韋述

君子之事上也進思盡忠退思補過所以慎其初也不為
義疚不為利遷所以成其忠終也有始有卒往哲所難彭城
文公常府君庶斯道矣君諱湊字彥宗京兆杜陵人也翊
商命族佐漢傳封龍旂承祀盛業百世曾祖諱瓚隋舍部
侍郎司農少卿尚書右丞南皮縣伯開皇中受詔監河漕

之運以實關中利國濟人名書隋史祖諱叔請皇朝薄州

刺史員外郎散騎常侍庫部郎中貞觀初奉使招夷越之

酋以清嶺外息兵殷土事其實錄父諱玄福舊唐書止作玄福

玄福字未微中為城門郎為外姻所累貶授桂州長史贈潤

州刺史清風克紹盛德難名有道儲祉以貽後嗣君承積

善之休烈光膺太和之純粹文學政事懷適時之異林孝

友忠貞稟過人之至行永淳元年解褐授婺州司兵參軍

致遠之漸發於初筮延載元年授資州司兵參軍廉察使

房相觀君剖斷之跡嘆曰鸞鳳棲於枳棘豈惟有司之過

亦使車之所急也於是狀其殊績上表聞薦俄拜揚州法

曹參軍繩愆糾慝正色無私志在澄清豈避強禦長史青

河清澄悉以郡事委焉大定元年授上方監丞尋加朝散

大夫轉相王府屬兼通事舍人時夏官尚書姚公兼王府

長史嘗稱曰常屬識見弘遠文彩優詳恨相知之晚也長

安三年遷職方員外郎神龍元年轉兵部員外郎歷職方

司郎中長安令遷將作少匠仍兼通事舍人景龍二年轉

司農少卿三年除貝州刺史其草奏也必因事而作程其

敷納也抑有儀而作表周行之譽久而愈芳既副象河之

榮遂光分行之寄景雲元年復入為鴻臚少卿仍加銀青

光祿大夫二年轉太府少卿兼通事舍人節愍太子之追

謚也君謂有死不校太子之道苟弄兵而不誅雖銜命而

難宥申生以遇讒自引考行為恭衛據以擅命出奔易名

難宥申生以遇讒自引考行為恭衛據以擅命出奔易名

難宥申生以遇讒自引考行為恭衛據以擅命出奔易名

為矣以今方古斯為甚焉於是杭疏論奏明言至理仍於
軒墀之下對仗自讀睿宗瞿然悚聽仗下後引君入閣賜
坐再三詢乃令與執致議其可否僉以為恩命也行難於
返汗惜遂事於已往知讜言之在斯所謂有犯無隱臨大
節而不可奪也初神龍之末恩踰賞僭氛侵既清府庫猶
竭時議興造寺觀土木競起役人不時上書切諫疏奏未
報昌言固爭上悟其忠竟用嘉納乃詔有司量事節減息
人省費動盈萬億君前後所論郊廟大議及時政所急凡
數十上多見錄用或編於甲令或載在策書仁人之言其
利溥矣先天中又歷陝汝二州刺史陝服汝墳境壤相接
惠先道路二郡以安開元二年遷岐州刺史屬鸞輿順豫

大蒐岐下君徃賦均平儲峙簡約牲餼烹飪不微賞於珍
華靡履資糧不取悅於餘羨闔境無擾人到于今稱之四
年遷將作大匠六年充東都留守八年遷右衛大將軍上
謂君曰皇家故事諸衛大將軍共尚書交互為之近日漸
貴文物乃輕此職卿聲實俱美故暫用卿以光此官勿辭
也九年正月遷河南尹累封彭城郡公十人以厲官時洛陽主
簿犯有犯出為杭唐作州刺史十一年轉汾州刺史其年
又遷太原尹仍充太原以北節度大使比都留守河東道
支度營田大使併檢校北都軍器監操節鉞之寄慎守禦
之方師徒無勤邊鄙不聳雖李牧之馳名塞下魏尚之善
守雲中無以過也上懿其績手詔勞勉錫以時服恩賜屢

降及遘疾詔遣尚藥奉御宗處馳傳診療粵以其年十二月九日薨于太原之官舍春秋六十有五詔書故太原尹常湊體識沉正宇量淹通立德可師弘風自遠累居中外克著聲績而大耋不末曷離俄謝興言感惻用軫于懷宜浴寵光俾申榮贈可使持節都督幽州諸軍事幽州刺史物一百疋米粟各一百石給靈輦遽還葬日借幔幕手力太常謚曰文禮也議者以君忠肅恭懿寬仁信義物虞書之九德并孔門之五美而不翼亮百揆光昭三事蓋以滿盈爲忌讓讓辭避不然豈才不適而命不至道不行而時不利也先夫人范陽盧氏刑部尚書從愿之妹也輔德正家克循法度載誕元嗣無祿早終繼夫人隴西李氏長安

令緇之女也能繼徽音以享偕老初尚書盧公以親懿之故式瞻景行將有刊述以紀嘉休既而鎮撫汾澮澄清梁益軒車載轄是則未暇及入護儲闈而辭疾歸老事竟嗟跌斯文不就天寶八載府君之嗣子尚書右丞見素痛霜露之滋深懼英華之易遠於是徵究决諒疑作代謀詢謀宗黨

託詞瓊瑤以敷事實伯喈之頌叙長源於厥初考甫之銘垂儉德於來裔其詞曰

粵我初諒疑作謀以德受氏徽冕軒裳世濟厥美辰象吐秀

山川叶祉實生文公克纂先祀入孝出悌抱質懷文雅操有素清標不群志惟詩禮業在丘墳如玉之潔如蘭之芬發跡州郡飾躬以進既登省闈體聲益振守以恪恭不忘

畏懼有犯無隱詞直而順象河是副功宣亞卿建旗受委
遂典專城政存簡要德著仁明是則之美時惟尹京搃戎
軍政彼汾之典卒乘輯睦戎夷悅服未享性疑作老受茲
戩穀天不憖遺遽終百祿哀榮式備詔塋言旋宅兆斯吉
光陰屢遷巖巖終阜泱泱渭川刊石紀德於惟億年

故通議大夫守戶部尚書兼御史大夫持節朔方
鎮西北庭興平陳鄭等州行營兵馬及河中節度
都統處置使兼管內觀察使權知絳州刺史賜紫
金魚袋贈楊大都督府李公神道碑

權德輿

周道親親夾輔王室分唐叔以懷姓九宗職官五正故其

後文侯受秬鬯之命文公受大輅之錫祿勳推恩敦叙昌
大理道之所繇也國家憲章文武選建明德元功侯籍延
耀本枝初祖景皇帝之支曰鄭王亮實生淮安王神通用
親賢功德左右休運淄川郡王孝同淮安之昭也左集作
衛將軍燧淄川之穆也劔州長史贈太僕少卿廣業承祖
稱積厚之慶而生尚書尹一有三王都搃六師八師四履
投艱難服勤勞集作投有猷有守以至歿代禮賁於追命
澤流於代官有由然也尚書諱國貞字南華天資風采為
宗室儀矩列如寒泉嶷若崇山脩身筮仕動有休裕開元
十三年明皇帝肆覲東后柴于岱宗以公族侍祠調補綿
州叅軍事暴雨忽至江流泛集作溢公自下位能禦其災

既堅舊防仍復故道累遷岐州錄事參軍太師苗公太尉
 房公繼為二千石皆所引重御史大夫張倚採訪關中表
 為支使天寶末林胡覆三川犯秦關詔除殿中侍御史為
 襄陽郡司馬且分集作介戎政公以待待板輿辭革車換房陵
 太守表課尤異徵拜長安縣令風政肅清改秦州刺史成
 命中止復為長安令尋遷汴州刺史未及行復輟為京兆
 少尹天子以公積有誠効可居大官累命為河南京兆成
 都尹劍南西川節度使其撫周郊狹偷方熾公與太尉臨
 淮王議曰河洛為天下衝且無車賦比屋安堵寇將甘心
 焉不若虛其邑居挈以駿集作駿非邁羸糧善地可俟師期繇
 是太尉伯河陽公次丁陝伐謀銷患君子推其智其在東

轂兵火之餘人命將泛方勇切集作沉非物力亦屈而百役煩苦

出於傷痍公曰元元愁歎受命惠養儻不能曠然不變豈

副明天子鬱悼之心耶列上蠲除悉蒙可報凡調於人者

去其十九清靜集作淨愷悌百姓稱之其集作其二鎮岷峨裔人

樂禍殺嘉榮二州刺史以開邊隙公命將疾攻舉無遺類

明年昆戎圍我三城分遣銳師據便城壁戒嚴持重徵其

極而擊之賈余無前酣戰盡殪悉獻虜獲軍無私焉隣壤

不靖偏師叛換將盜兵符已據城寺出車壓境指顧而平

凡三整武經而巴蜀軌道拊循安置重四封畏其威柄用者

沮公勲猷徵為殿中監命書既下不俟駕行囊被單車無

道里費取倍稱之息五萬甫達京師上嘉而賜之俾拆其

券冠有段予章者恣睢就戮方帥以吉語聞詔公宴見前
 席嘉獎且曰利兵積穀皆卿之素也其無駭於父之謂乎
 朝野嘉其首公而服其潔已臨淮王移鎮海岱長轂在郊
 西邊北朔合淮陽圻父五諸侯之旅主盟中權蓋護諸將
 於是拜戶部尚書同中節度都統使又以職顯戎重則風
 俗不阜加管內觀察使權知絳州刺史公外揔方畧內脩
 班制當強弩之末無半菽之糧不忍加賦飛章木下猶以
 憲度為已任推剝者斃之集作不行師諸校講張觖望至是
 夜暮變起或以跳驅諭公公曰吾之不敏當死節安官下官
 敢貳偷以煩刑吏集作史亂之劇集作劇是也公竟及焉議者尚
 其潔矩而哀其不淑時上元三年建卯月春秋四十八是

歲改元寶應至夏五月寧神于三原縣之北原詔以揚州
 大都督府集作府字印授告第憫其勞也公本諱若幽上元中
 天子以特立之操為宗工表率錫嘉名以更焉公忠儉誠
 厚方嚴密靜用儒行憲令修明事功大玉不劇楚金必割
 凡歷官二十四自解巾至握節勤職十七其以內庭持書
 中執法亞丞相佩兩印以雄外服者又七命焉刺房陵之
 後五六年間車不輟鞅賦職任功名聲章明及公以司徒
 揔輿師令弟若水以內府司贊謁而太夫福履所介日陳
 壽觴懷黃佩玉左右溫清極象侯之燕喜邁張仲之孝友
 宜錫壽寵為人倫龜龍魯未中身遭罹凶害前史稱霍去
 病亦有天幸然則命之所賦有幸焉不幸焉斯不可問

也夫人扶風郡君竇氏鴻臚丞光之女楊府長史御史大夫觀之妹集作姨也淑明柔順克叶公志家肥族睦抑有助

焉公薨若干年而夫人歿有子四人長曰錡材器碩茂潔

廉忠集作真中肅遵脩訓則復大其門入作卿士為侯伯貞元

十五年以御史中丞剖符潤州宣風以弘禮俗成賦以殖

財用大績茂焉中邦賴焉明年就加御史大夫十八年進

禮部尚書撫封題劔如公渥命次日謚蘄州刺史次日豐

士鄆縣令幼日豐器長安縣尉皆有幹裕而屈於年位今

尚書永惟先公丕矩未刻金石以德興當切史職久掌贊

書知王族大僚之事業見託論議欲不敢沒其美亦不敢

溢其言銘曰

堯韜九族漢封同姓烈烈淮安乘時佐命淄川而下三葉

儲慶乃生我公紹續先正時惟宗英忠智廉清所至風行

所居理平山玄朱組既靖蜀京鉞鉞珣戈乃主夏盟交脩

藩衡纂服弘大陟降集作恪左右勤勞翼戴隱微之間乃與

禍會夷途始半白晝中晦桓楹羽葆久閔鮮原煌煌密章

肅肅絲言盛德復祉藜茲後昆列郡是式介人維藩大江

南服考禮修職五曹十聯克嗣先德董是經費陳之藝極

本於教忠懋此宣力伊昔祭器食銘承彝禮則有變魂遊

在茲連岡陂陀宰樹參差悠悠終古永揚斯碑

魏博節度使田布碑

庾承宣

於戲節義立則人倫之風厚忠孝彰則君親之恩大罔極

之報非死不盡臣子之志非盡不明決去就於至誠擇利害而無撓其生也挺身爲萬夫之特其終也成名於泰山之重凌視千古高居上游斯人伊何魏博節度使田公布子敦禮之謂也初公烈考曰弘正輔佐憲宗掃除寇逆爲侍中魏博節度使今上嗣位鎮州軍吏以節度使王承宗死上聞詔弘正除中書令代焉居一歲兵亂遇禍公時爲涇原節度詔追至京聞喪公卿獻議以爲討鎮莫若用魏魏強而近又公恩德積洽於魏以鉞賜其子布布復有能則魏之士欣戴而効死焉詔從之公泣血號天而辭不能者再詔不許乃曰報君恩復父讐在此舉也如不濟則無其生以謝之別兄弟妻子屏門之內辭賓客朋友於西

之下喪輿遂北至魏則徒跣行號以見將士將士者艾者父兄事之齒類者骨肉親之毀家以結人心辭祿而贍公用明求報之道竭勵士之方冀其協心以副私志異哉魏之風俗久悖聲教魏之將士素染狼戾懷安自固忽感激之勇節積驕成惰無戰鬪之剛腸初猶哀公之誠悅公之賞雖未心化慙忘舊風無何奉詔出師抵冀之南宮縣爾賊而振威也時討幽鎮諸軍庶事草創計司荒畧供饋大虧公乃以本部六州之租入權以自濟冰雪方盛飛輶阻艱衆相與言曰頃常出賴朝廷供給優贍軍府因以完濟令者瘠已肥國尚書無乃太公忠乎旋以滄景喪敗王師不振諸軍顧望莫有鬪志賊使間諜騰肆飛語以不固之

志加懷怨之心望風聽聲將欲謀亂成集作有見者宜圖

其休全身保軍以俟後舉公仰而號曰天子徵兵以討叛

亂吾特授旄鉞復其家寃將軍雖死國典斯在豈蓄縮完

守為不忠孝之臣乎眾知公不可迫因師行而遂潰中軍

不同其謀奉公達于魏城眾又言曰魏土不知朝化久矣

刑賞禮樂皆自己出近以保富貴遠以貽子孫苟能從眾

之謀則捧戴如舊公知其不可以道化又難以力服時太

尉之靈座在魏之官署公陽以入臨人不以虞慟哭伏劍

眾驚至而絕矣春秋三十八噫相國李公愬先公師魏眾

以貪亂李不能制閉域以自固重幣以貸死及公初至恃

氣尚存邀賞撓法一唱萬和况鎮之軍於魏舊有教敗德

兩軍相觀如親戚焉寧有一人之忠義化六萬之肝膽三

月之將帥移六十年之舊風強其陸梁計其相觀同駭愚

蔽知其不可從其李石有言曰重耳教訓三歲而後敗楚

勾踐生聚二十年而後滅吳以中古之慈信晉越之馴伏

尚且遲之况今魏乎聞者信之及公終也賊眾感義而退

守王師聞風而憤激達于朝廷天子壯其節而哀其死為

之廢朝公卿泊百執事咨嗟悽愀久而不絕及喪至則弔

周懋恤禮備而恩加焉贈尚書右僕射以長慶二年八月

二十六日葬于萬年縣白鹿原公之大王父曰廷輝安東

都護司馬贈右僕射王父曰玠相州刺史烈考中書令贈
太尉而勳高位崇至公而名重節立蓋以茂德為濬源大

忠為厚阡克生賢哲焯燿邦國初自魏之裨將以謹幹至
大將自侍御史以討叛勞至大夫掌平蔡功為金吾將軍
以長材鎮要衝為河北節度以多畧靜邊陲為涇源節度
在裨將則辨冤囚大尉無淫刑矣領征軍則備賊之驚突
諸軍因之立功矣為金吾抑同列而不過諫官聖朝有容
直之美矣帥河陽也則省將而多戰卒滅賊而守詔條於
是乎兵實而人安矣鎮涇源則觀其力稽教其騎射於是
乎糴賤而人能矣其大材敏識有名臣之體要深謀善計
得良將之精華善而不伐高則思降無豪貴之厚一作欲
慕廉讓之高風惜乎壯年有志不立豈天意用斯人以激
其怠隋警其奸亮者哉仗劍之辰手操遺表陳亮逆之根

本明將帥之儀矩聖君因得辨邪正可謂始終之善者也
其遺孤及門吏知余夙奉周旋感激名義謂揚盛烈於萬
斯年銘曰具體皆人能恥者誰輕死重義謂之有思豺狼
貪婪力不能支部下將貳誠無所施上虧國恩中冤父私
兩志莫遂顧生奚為明者獨斷勇夫不疑忍恥偷安犬羸
等夷覩顏骨寵復何人斯誠貫心替竟違我期一作誠實
欺我利刀貫胷血殷喪帷軍士喧駭逆黨忸怩義風激揚征
車不衰自居所重賢人得之地察天明稱為神祇雅有節
鉞流聞邊陲青史長存聲香葳蕤

校區九十八字

二月二十二日

文苑英華卷第九百十四

文苑英華卷第九百十五 碑七十二 神道三十三

職官二十三 節度二

魏博節度使田承嗣碑一首

嶺南節度使常正貫碑一首

昭義節度使辛秘碑一首

魏博節度使田公神道碑

裴抗

理天地者陰陽統邦國者文武才得其位政由其理則元
后作聖九有以寧其或紐斲解而復維運偶否而終泰是
以周十世而生方叔唐八葉而傳太傅保又藩服昭宣王
度嘉言大猷鬱為國禎太傅諱承嗣其先有媯之後自敬
仲奔齊五代而昌因采田而氏焉異才茂德繼踵而至其

後議郎疇哭劉虞墓讓盧龍勲義聲洋洋焯於古今公則
議郎之裔今爲北平人也魯祖堪隨州從事祖景皇鄭州
別駕烈考守義皇安東副都護贈戶部尚書皆恭肅明哲
純懿貞良慕邁德之仁傳有後之慶公則尚書之第六子
也元和間生其德直方剛毅中正根於天常鍾海岳之靈
抱清淳之氣勿尚擊劔長而事邊度山川之險易計戎狄
之勇怯沉機潛運藏用待時開元中林胡犯邊公始以兵
術聞節將急而求公乃假公平盧先鋒使即日以偏師敵
之公大破夷落斬首萬計朔漠之人恃公爲雄戎帥以捷
聞特拜公左武衛郎將策殊勲也仍前平盧先鋒使擒俘
斬首一月三捷戎陬氣懾邊徼塵清改左武衛中郎將遷

左清道率拜左武衛將軍昭武功也天寶季年逆帥安祿
山竊幽陵之甲以叛驅劫忠良易其守心跼大吠主大肆
克逆料天下敵已唯公一人遂乃臨以刀鋸邀其質任爰
授兵要置之腹心公迫以克威計無從出竊謂所知曰昔
龔勝閉口君房殺身無補於時自擠溝壑乃呼天飲泣忍
死從權將圖不朽之勲以顯大忠之節時寇陷洛陽遐邇
震駭大縱虜奪以弭克徒唯公禁戢屬兵託以戒嚴他盜
時大雪滿營間無徑術逆帥巡行諸部躬自勞寒至公之
營疑其無人公乃介冑轅門出卒羅拜閱數伍籍不缺一
人逆亂之徒尤加敬憚爰及刑獄取決於公寇逆亂常法
令苛慘織亂詆告每陷忠良皆以阿旨入法爲已誠察理

辨情爲携二公將謀知免且欲雪寃每至議讞必歸情實
至於免鼎鑊脫桎梏者不可勝數冀其違忤稍見踈遠而
逆帥以爲平允得當仁德歸厚信重獎助又倍於常其後
賊亂鋒起互相吞戮祿山流膏安慶絕亮思明陷承朝義
傳首羿浞旣平日月貞明公雲龍交感霖雨將作誓爾有
衆同歸聖朝誠意克從大節斯立時代宗在宥天下降衷
於人載覽歸欵特加誠順即日除戶部尚書御史大夫莫
州刺史復以莫州地褊不足安衆特遷魏州刺史貝博滄
瀛等州防禦使公榮懼感泣潜然涕流荷天之休誓答玄
造一作聖主中以狀聞上收其忠錫以旄鉞真拜魏博等州節
度觀察處置等使初懷恩之討朝義也深結歸命之帥陰

有一作畜將叛之心及恃功不虔逆節方兆虎據汾晉寇於
太原乃分使河朔連扇群帥邀我同惡示以師期群帥獻
欵决計於公公曰吾儕所以脩睦僕固者將欲藩翰王室
懷寧遠通竭股肱之力報亭育之恩乃翫兵左道自任姦
慝有死而已吾蔑從之俱精練成師以順王命臣子之職
也由是群帥感悟率德相從械繫行人顯與之絕暨聲問
達于四境千紀之師索然氣奪是以懷恩喪子於榆次棄
甲於西河北走胡庭埋魂絕域抑有由也蹈危而正可謂
文武三傑精剛百鍊者也惟帝念忠拜公尚書左僕射賞
有功也遷大司空旌有德也初公之臨長魏郊也屬大軍
之後民人離落問閭之內十室九空公體達化源精紮理

道弘簡易剋煩苛一年流庸歸二年田萊闢不十年間旣
庶且富教義興行魏自六雄升爲五府拜公爲魏州大都
督府長史仍加實封一千戶以陟明也而緇黃羣者詣闕
陳乞請頌德褒政列於金石帝曰俞以命先臣門下侍郎
王緝譔紀功烈錫魏人以碑之其明年請立生祠而尸祝
之公執謙冲抑而勿許茂厥丕績秩遷太尉疇咨補職爰
立作相公拜賜荷寵若墜泉谷誓將率先啓行斬伐不臣
彼昆夷復我河湟然後挂冠都門告老歸第嗚呼有志不
就昔人所痛致君之道未展大夜之期俄及大曆十三年
春二月遘天倫之戚茹痛而疾秋九月甲午薨于戎府享
年七十有五天子悼舟楫之沉覆邦人號榱棟之崩摧罷

輟市朝哀慟中外諫議大夫蔣鎮冊贈太保臨吊賻禮有
加等夫人富春孫氏齊莊之德備矣開越國之封列魚軒
之貴降年不末先公即世其年十二月十四日得吉兆於
魏州貴卿縣金隄鄉吳河里之源遷夫人之殯歸同穴之
期而柩焉禮也公孝敬忠信慈仁睦友造次顛沛一以貫
之在家如嚴君撫人如慈父遺其子而進猶子逾十起之
愛傳八命之榮則宋穆不獨賢伯魚有慙德積載餘慶並
時而昌胤子十一人長子維皇魏州刺史次子朝左神武
將軍知軍事檢校右散騎常侍兼御史大夫三子華皇太
常少卿駙馬都尉尚末樂長公主末樂薨復尚新都長公
主贈工部尚書四子繹皇試大理評事五子綸皇監察御

史裏行七子繪八子純不幸早世九子紛皇河南參軍十
 子紳殿中侍御史內供奉十一子縉殿中侍御史內供奉
 皆文武奕世忠孝傳家或至大官或階清級誕生檢校尚
 書右僕射同中書門下平章事駙馬都尉鴈門郡王襲實
 封五百戶贈司空緒則公之第六子也纂承鴻勳不忝前
 烈開成里之貴繼茅土之封繡轂朱輪光輝日新聖朝覃
 孝里之恩軫聞輦之念復追贈公太傅復贈魏州大都督
 相國丞丞孝思霜露增感復以生祠故事具表上聞天子
 彰善崇德乃許追立爰命詞臣禮部侍郎呂渭徵譔休烈
 厥功茂焉相國生二部尚書兼魏州大都督府長史御史
 大夫充魏博相貝澶衛等州節度管内度支營田觀使處
 置等使季安繼踵象賢克荷丕構玉立冰潔孤高不群驥
 駿逸足長途萬里勲賢接武今古罕倫嗚呼開國承家之
 義顯矣翼子謀孫之道光矣沒而不朽非公而誰抗宿事
 戎麾出入三世日覩芳躅耳聆嘉聲不愧之詞誠非諂上
 取刊樂石傳於無窮詞曰

維岳雄氣鍾于崆峒委和孕靈降生我公於惟我公其德
 崇崇處暗不昧在明則通其運屬昌時功居顯位天子命
 我蒞于東魏榮傳曳履寵拜端揆乃領司空俄登太尉其
 爰立作相俾屏我王訓節制師威不庭方為國之紀為人
 之綱教義聿修德音孔揚其上天降災奪我元老邦國殄
 瘁誰云壽考梁木其壞嘉言是寶隴月阡松荒烟蔓草其

墮淚碑在生祠廟存澤流福子慶被孝孫日下其棠風清
德門刻此金石傳芳後昆其五

嶺南節度使常公神道碑

蕭鄴

常氏之世系尚矣陶唐氏之後有國豕常者實爲商伯周
衰遷于楚之彭城故漢興常孟爲楚元王傳傳繇孟五世至
丞相賢常氏遂顯大賢封扶陽後徙平陵及子玄成別徙
杜陵子孫家焉遂爲京兆人云玄成生寬寬生育育生後
漢尚書令浚浚生梓潼太守豹豹生東海相著著孫胄仕
魏爲詹事胄少子曰穆後著號爲東眷八世至隋柳城莊
公諱元禮距四岳入唐有爲陝州刺史者諱岳子於公爲
曾祖是生京兆少尹河北採訪使府君諱恒爲王父少尹

生贈刑部侍郎衡州別駕府君諱平奉天之難寇兵圍逼
時鳳翔已害其師張鎰且應賊矣公與從父弟臯能扞朱
泚于隴州斬其使者乃折其勢公乃間行西走奉天夜絕
城下蠟凡發表具獻功狀德宗把手喜泣曰富貴惟卿所
欲口授御史中丞公辭以素卑無貲願從州縣祿竟遂其
志改萬年尉從上至興元道苦風疾廢居優游散地旣憮
當世其後宜有達人聚彭城劉爲麟女而生公諱正貫字
公理幼而神靈一作玲瓏長而聰異目所擊覽不忘於心耳剽
音聲洞識節奏季父太尉公臯特見器屬且必能大其家
門故名之曰臧孫年十有五先君歿於衡陽奉喪歸北裴
僕均在江陵故少公爲表弟欲擅有外家吉凶之事且致

贈焉公泣曰不專於孤有諸父在如將聽命恐傷叔父之義不敢拜賜之辱蜀使俄至他日反告太尉深德異之既除喪調補單父尉太尉有大功于國家德勢甚盛帝氏子姓可以坐掇朱青公深自懲刻遂博極群書自三代已降損益制度無不稽其典要相國常公處厚及常湖南訶皆以學識相高每與公論權當世之務咸服其深切事情雖賈生不能過也長慶初遂棄官改名對賢良極諫策登乙卯科授太子校書敬宗朝又以華原縣尉再登詳閑吏理科遷萬年主簿考京兆進士能第上下頗得一時之俊尋授監察御史裏行爲北都留守推官入臺爲真監察避回齊素嫌辭不與齒除河南府司錄旋爲天平軍節度判官得改員外郎所奉之主即故相國令狐公也丁內艱服闋故李相國紳請爲浙東團練副使賜緋魚袋後辭職居洛授檢校主客郎中知鹽鐵福先院非其好也擢萬年令澤州刺史又改太原行軍司馬兼御史中丞加金紫從狄僕射之幕徵爲太府少卿改泗州刺史歷光祿卿晉州刺史入拜司農卿時內尚食供億縣官有闕爲其奏累貶均州刺史陞壽州團練使公當官剽劇率有良筭雖繁劇之來千變萬態一以成機應之故日用公事珪稜歲校能有餘裕所謂循良高妙無跡可尋者耶今上初即位以理行徵拜京兆尹京師稱難治者日有生事隨時抵巇間不容髮未易以繩墨一而律也闊狹少失其機則見立敗雖有神

明之用一作明無及已公能勺藥其間一作安然無一事如

弄小方州云奉南郊備赦令上下百役抑揚豪弱無不得

其平居二年乞退除同州刺史長春宮使加左散騎常侍

兼御文大夫百粵之地其俗剽輕獵浮淫之利民罕著本

又遠天子之法稅調裒急一舞於吏手故細胥假校盜豪

民用是因從公至鋤侵牟之窟削冒名之吏盡反為民煩

促頓舒流庸盡復先是海外蕃賈羸象犀貝珠而至者帥

與監舶使必撲其備異而以比弊抑賞之至者見欺來者

殆絕公悉變故態一無取求問其所安交易其物海客大

至越人尚鬼事有冥冥者不質於醫而交於神寢以成風

公醜其邪命撒屋塗扉禁絕紛紛之禱或曰將不利於公

不聽他日秋水大溢將沒民居訛言毀神而致公誤服

城向水酬酒而聲曰苟如云云長史身存無嫁下人俄而

歛退卒無害焉鍼育反正皆此類也政成亟上疏請覲優

詔留之越三歲寢疾薨于位實大中五年七月二十三日

享年六十有八天子為之不視朝一日贈工部尚書明年

二月庚申柩葬少陵原之世墓比薨醫問相屬比葬弔贈

之使交逢凡在嶺之南軍吏與民及部屬鰥寡士子黽髻

之族聞公之喪皆哭失市與宴公篤孝睦親群昆弟之貧

與子姓之孤者收接如婦婚配慰薦惟恐不得其所居弟

誨之喪傷哭變白惻動君子與朋友盡誠信於然諾踐報

之道不怠如癖名人偉士多與深善樂後雋特露精誠比

六

比得之力仁誼徵華侈下席一作疾之日家無池館疏屬出
涕平生行事可知已娶監御史博陵崔昇女先公而歿二
子長曰參文太子校書次曰温文華州參軍一女始歲方
大病囑其後曰無厚葬無用鼓吹無煩謚于有司志我墓
者無如故人趙君檜焉若夫碑則俾我外姪蕭鄴為之銘
庶乎實而詳也其敢以辭遂為銘曰

雄操京兆奄宅大州太尉之後唯公得候儒衣極摯公懋
人優業術益然及親勇誼善植牧全始卒無媿融鴻清洋
式彌乃嗣茲圖石刻以未厥懿商伯以遷汪洋其源至漢
始著聿為盛門徙居杜陵承繼遂蕃用儒持家世世顯尊
歷隋入唐或軒或庠起墜誠難肖隆匪易尚書之生定屬
燭音太尉之後此句疑誤有庸有基可席而位公獨後之才子自
致追念顯考諒于其身如不我力曷顏于人由早至鉅能
以才振小大之治有眷有倫

昭義軍節度使辛公神道碑 牛僧孺

辛氏於隴西為望家其後因官從帝或雍或洛源瀛泐洪
將徵復張以及于僕射皇考璿璿益以儒業自喜優游高
放不樂取求制科高第乞官山水朝廷除處州遂昌令嗜
不念歸并移仍南及亡累贈至左散騎常侍僕射諱秘字
藏之即常侍府君第四子也以能通五經開元禮三命至
華原主簿書判入等為長安尉太常卿故丞相渤海高郢
以唐制盡將禮樂委博士奏乞用公朝廷與之不能得去

訖六年再為祠部兵部員外博士猶如故朝有禮天地奉
 山園之使既謝上必奏曰臣唯乞待辛某自副幾不以禮
 樂累陛下上高之連可故公再為禮儀使判官雖當時者
 年鴻生語及禮即唯曰辛某在若不敢出口元和皇帝初
 元年高選刺史公出為湖州時觀察使李錡不奉詔舉江
 南六州兵獲京口窺採石渡臨江索流留因命心腹將率壯
 士高職重賄鈎其膽且約曰若等當以其日同起取五刺
 史欲斬以號令在錡鎮實多年交有素故刺史不得隸兵
 馬及難作顏防用李雲驅市人舉常一戰敗走李素受縛
 於蘇項釘舡艫唯公以儒雅賊未急迫公乃夜起撫左右
 曰使若等有父母妻子成其家皆天子恩也若能隨李素
 為賊乎左右皆泣曰唯公命乃開羅城門收湖下子弟得
 人數百公親以衣衣之以食食之丞里掩出劇壘始呼大
 戰州東斬將屠營值旦悉先殲登城號令中外恬然於是
 時武功冠江南錡為之失勢就縛天子親命使以金印紫
 綬賞公急詔徵為河東軍司馬兼御史中丞其實將以大
 將節與公以故未畢就拜為左司郎中更京兆汝州刺史
 本州防禦諫議大夫出為常州刺史治職檢身專疑問昭
 升取河南尹時天子大舉伐趙既釋復征司空度率五諸
 侯取蔡連戰四年伊瀍之郊屬刻百役公撫困應須怛怛
 寧寧上大喜出少府節以豹竿戟纛驛走就授先一日立
 百辟於朝讀白紙詔命公以昭義軍節度使潞州大都督

府長史檢校工部尚書兼御史大夫公褒衣儒冠帶劔持
節潞自盧從史不稟不供急歛自守人已大罷及栢鄉連
營三歲決死公之至止開城入府量倉數藏酸寒護落公
私之具蓋可哀痛左右前後計於公請乞救於上公曰天
子以兵定殘賊空內府賞死士於今數年矣吾不能如卜
式輩以家助獻詎敢復以請求苦上耶於是約出入嗇用
度俸不入家聘不資金宴不侑樂食不兼豆更四年詔徵
府有貫十七萬食倉有斛七十萬又鈔函堅幟赤幕青十
五年冬行於洛及關以疾不任朝覲天子命中貴人郊勞
歸第以十二月己卯薨享年六十四上憫惜震悼罷朝贈
尚書左僕射贈賙有加公於得入仕以業儒書於待著各

以典禮樂於得勲賞以立武功於善終始以謙退勤儉於
中外親既有名而貴於屬且近者餉給無所加踈而賤雖
千百里曠不相面頌與無所加疑大官十五年居不易宅

死亡之日家不歲計公之於孔門可謂成人矣子男八人
少穆少逸少恭長順仲邕行質仲和行檢檢或儒或文仕遍
侯國夫人河東裴氏先公而卒將葬而公歎曰人之居無
常而墳墓因焉吾家之兆及於四代三卜矣且使吾死有
吾豈止墓而守者焉吾死無吾於地固無擇而已矣他日
吾死於此亦遂葬而無用遷焉遂定乎萬年縣洪原鄉少
陵原及將亡前爲文自誌其墓又重前說歿有書一通緘
置几上既開之即送往飾終之制具盡於此既儉而周於

禮不違時之名人無不多其能終而達其不撓耳諸孤恭
命無敢墜失既一作葬會謀曰先人德行官業宜刻於石
以聞不朽隴西牛僧孺時號專業文陳郡殷台書迹絕妙
且其人吾家之婿且練吾先人行事敢不告求僧孺實紀
錄而台實書既序而銘曰禮災亦秦漢於綿蕝存晉卑胡僭
俎且臊腥慕古惟唐求野據經公嘗博士綴緝搜羅三代
之儀濟濟復興祗職六年區別嚴競儒道克施亦志武事
憑江錡反公實郡吏掉棘張空以出不妨萬鳥周網血赫
湖塘江南之功焯出有光鄒魯諸生因公張皇憂恭慎法
奉守王度入郎出牧尹洛將潞茹剛撫弱銷別人蠹居不
易第服不易初財分先族以儉遺孤恬於將終執筆自誌
男良女淑既壽而貴謂之爲人易此而何詩以備傳不刻
不磨

校正四十四字

六月二十三日立秋卅即

文苑英華卷第九百十五